

Scilicet ex illo causae sua gloria pendet
 Ut bene foecundo, qui bona gignit agro.
 Perge dare insignes, in publica commoda, fructus,
 Quos quicumque capit, talia vota dabit.
 Crede mihi multum de posteritate mereris,
 MACCOVII dederis quod monumenta foras.
 Illius est etenim seges; ut sic dicere fas sit.
 Messis at haec merito est o NICOLAE tua.

Johannes Audzieie Wicius, Lithuanus.
 S. S. Theolog. Stud. ¹⁾

V.

Ad doctissimum et ornatissimum Iuvenem.

D. CASPARUM AB HEL.

Disputaturum de Sacramentis in genere ²⁾.

Promittit verax certam conferre salutem
 Ipse suis Christus: ne et quae dubitatio mentem
 Adversam in partem flectat, promissa potenti
 Facta manu firmat, meriti sacrata cruenti.
 Signa addens, proprio nostras quae sanguine culpas
 Extinctas doceant, fragilem semperque minantem
 Lapsum sustententque fidem. Cacodaemonis aestus
 Eripere haec tentat nullo et despecta valore,
 Nunc frustra suadere solet, nam maxima mundi
 Pars hominum decepta dolis, contemnere gaudet
 Iussa Dei infelix, nec quicquam exterrita poenam in
 Ipsa suam properans, propriaeque oblita salutis
 Despicit infirmam, lovae monumenta, fidem quae
 Confirmare valent, o terque quaterque beati.
 Queis placuit recto vestigia ponere thalo
 Et rectas Domini sanctasque capessere leges
 Hos non dira lues mundi, non tartara vincent.
 Non quae nos foedat totos male sana libido
 Constanter saevos nimbos saevasque procellas
 Contemnent, tandem et coelestis praemia vitae
 Accipient, duros post invictosque labores
 Quos inter Iuvenis merito numerabere, sors te
 Ista manet et fortunatum, aeternumque manebit
 Crescere si pergas, morum probitate fideque.

Benevolentiae testandae ergo scripsi

JOHANNES MAKOWSKY

S. S. Theol. Doctor et Professor.

¹⁾ Dit gedicht heeft in de *Collegia Theologica* nog tot onderschrift bij den naam des vervaardigers „S. S. Theolog. Stud.”, maar in den „*Maccovius Redivivus*” staat onder den naam: „in Ecclesia Vilmensi Minister.”

²⁾ Dit gedicht is gedrukt achter de Theses van CASPARUS AB HEL, „*de Sacramentis in Genere*”.